



REPÚBLICA DEMOCRÁTICA DE TIMOR-LESTE
PROVEDOR DE DIREITOS HUMANOS E JUSTIÇA
Estrada de Caicoli Dili, Timor-Leste No. Telf: +670 3331184



Dili, 29 Marsu 2020

KOMUNIKADU EMPRENSA

Hafoin hetan autorizasaun husi Parlamento Nacional liuhosi Lei No. 1/2020, iha loron 27 fulan-Marsu tinan-2020, Excelência Presidente da República deklara Estadu Emerjénsia nu'udar medidas preventiva sira ba propagasaun COVID-19. Decreto Presidente da República, No. 29/2020, 27 Marsu, ne'ebé deklara Estadu Emejénsia ba loron 30 hahú iha 00:00 loron 28 Marsu 2020 no hotu iha 23:59 iha loron 26 Marsu 2020 iha territóriu Timor-Leste ho fundamentu ba verifikasaun situasaun kalamidade públika, ne'ebé kauza husi surtu pandemia COVID-19.

Provedor de Direitos Humanos e Justiça (PDHJ) ho biban ne'e hakarak esklarese ba públiku pontu hirak tuir mai:

- 1) Dekretu Presidente da República fó autorizasaun ba Governu atu determina restrisaun nune'e Governu Timor-Leste bele ho lalais foti medida preventiva sira ne'ebé nesesariu ba propagasaun COVID-19;
- 2) Dekretu Presidente da República parsialmente suspende direitu ba sirkulasaun internasionál, liberdade ba sirkulasaun iha rai laran, direitu ba reuniaun no manifestasaun, liberdade kultu iha dimensaun kolektiva, direitu ba resistensia, direitu ba propriedade no iniciativa privada ekonomika, no direitu traballador iha territóriu Timor-Leste;
- 3) Suspensaun parsial hosi direitu no liberdade-sira aplika deit durante Estado Emergencia. Wainhira kalamidade públika ne'e la-fó ona ameasa ba saúde públiku ka wainhira remata Estadu Emerjénsia, direitu no liberdade fundamental ne'ebé parsialmente suspende tenke restaura fila-fali;
- 4) Dekretu Presidente da República Artigu 5 hatutan katak Deklarasaun Emerjénsia la-afeta direitu ba moris, integridade fizika, kapasidade sivil no sidadania, la-retroativu ba Lei penal, defesa iha prosesu kriminal, liberdade ba konxiensia no relijiaun, alienede ne'e, durante períodu emerjénsia la bele halo tortura, eskravatura ka servidaun, labele sujeita ba tratamentu ka punisaun kruél, dezumanu, ka degradante, no mós labele halo diskriminasaun;
- 5) Asaun hosi forsa seguransa, inklui PNTL, tenke kumpre regra sira ba limitasaun uza forsa, hanesan bele de'it uza forsa wainhira nesesáriu atu foti asaun legal no uza forsa nato'on hamate risku ba ema seluk nia integridade fiziku ka moris, hanesan determina iha Dekretu-Lei Uza Forsa;
- 6) Artigu 7 no 8 husi Lei No. 1/2020, *Autorização para a Declaração do Estado de Emergência* rekoñese kna'ar PDHJ ho nian kompeténsia hodi defende sidadan sira nian direitu, liberdade no garantias-sira ne'ebé hetan ameasa ka viola la tuir kumprimentu ba Lei no Konstituisaun. -FIM-



Número Contacto PDHJ

Konsidera ba direitu sidadaun hodi asesu ba servisu PDHJ, maka PDHJ sei servisu nafatin hodi responsável ba defeza no fiskalizasaun ba direitu no liberdade no garantia sidadaun sira nian. Kuandu Prezidente deklara estadu de emergência, atu salvaguarda sidadaun sira nia saude nomos funsiunariu PDHJ nian mak atendentu ba sidadaun sira nia keixa ka denunsiu sei simu no rejista liu husi telefone, SMS, email, FB no WA. Ba sidadaun sira ne'ebe laiha pulsa, bele uza kanal "liga-hau" ou SMS deit depois mak funsiunariu PDHJ sei kontaktu fali hodi rejista ita bo'ot sira nia kesar.

Edifisiu Sentral Caicoli – Dili

1. Sra. Elsa do Rosario Viegas da Costa (7713 1984)
2. Sra. Josefa Soares de Jesus da Silva (7730 4262)
3. Sr. Cesar dos Santos (7765 6741)

Edifisiu DT Baucau

1. Sra. Joanita Silvira da Costa (7809 8414 & 7739 1414)
2. Sr. Agapito R. de Fatima (7730 3908)

Edifisiu DT Same

1. Sr. Martinho Pereira (7772 0220)
2. Sr. Jose Neno (7780 5795)

Edifisiu DT Maliana

1. Sr. Domingos Tavares (7799 8521)
2. Sr. Antonio da Costa (7774 2696)

Edifisiu DT Oe-Cusse

1. Sr. Paulo Ribeiro (7723 0344)
2. Sr. Paulo Antonio Lafu (7753 2520 & 7600 8952)

E-mail: provedoriatl@gmail.com

FB: PDHJ Timor-Leste